

SOLIDARNOST

SALMA SALME HASANOVIĆ

III g

Solidarnost je nešto što nas čini boljim ljudima. Prije svega, to nas i čini ljudima. Kakva ste to vi osoba ako nemate barem neku vrstu solidarnosti prema nekome ili nečemu. Trebamo uvijek biti tu, spremni pomoći drugima u rješavanju njihovih problema, a ako to mi ipak ne možemo riješiti, da ih saslušamo i budemo uz njih. Najlakše je otići, ne saslušati. Treba da poštujemo jedni druge, jer ipak svi smo ljudi od krvi i mesa. Svi smo mi stanovnici iste planete-Zemlje, i tako treba da se ponašamo.

Zahvalna sam na mnogim stvarima. Prije svega, što mi i jeste najbitnije, jeste porodica. Svi bi trebali biti na tome zahvalni, našim roditeljima, starateljima.. Zdravlje je uz to i najvažnije, i treba da budemo zahvalni na tome što smo živi i zdravi i što možemo pomagati ljudima i saosjećati se sa njima. Trebamo biti zahvalni i na tome što imamo mogućnost da se obrazujemo, ipak, neki tu mogućnost nemaju i sve bi dali da je imaju, a mi na neki način i osuđujemo naše obrazovanje, a zapravo nismo svjesni šta imamo. Na tome trebamo biti zahvalni. Trebamo biti zahvalni na svim stvarima koje imamo. Da ne gledamo sa visine, da smo tu jedni za druge. Ne smijemo, ili barem ne bi trebali da osuđujemo različite kulture, običaje. Trebamo da poštujemo i da se onoliko koliko možemo suosjećamo sa njima i pritom pomažemo našoj zajednici, državi, svijetu. Zahvalna sam što uvijek svima pomažem. Nije bitno da li je to 3 sata ujutro ili 3 sata popodne, uvijek sam tu, spremna pomoći onome ili onima kojima je pomoć potrebna. Zahvalna sam što imam taj altruizam u sebi. Opet kažem, najzahvalnija sam na porodici i mom i njihovom zdravlju. Sreća se ne kupuje, to je za mene sreća, kad su mi članovi moje porodice, moji prijatelji i ja zdravi, i naravno svi ostali ljudi, jer ne trebamo misliti zlo drugima, odnosno ne smijemo, jer se sve to može vratit nama. Zahvalnost je majka svih vještina. Zahvalnost je prečica do sretnijeg i boljeg života, i najjednostavniji način da živimo radosnije i ispunjenije jeste da je svakoga dana primjenjujemo, praktikujemo. Svakodnevno fokusiranje, od svega par minuta, na ono što već imamo i što nas već čini sretnima, donijet će nam ogroman napredak, boljitak. Dobra vijest je da se zahvalnost može naučiti i postati vaša najkorisnija navika.

**MISLI NA SVOJE TRENUTNE BLAGOSLOVE, KOJIH SVAKI ČOVJEK IMA MNOGO.
A NE NA SVOJE NEKADAŠNJE NESREĆE, KOJIH SVAKI ČOVJEK IMA POMALO.**